



10. september 2025

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquteqaateqarpunga.

Naalakkersuisunut apeqquteqaatit:

- 1. Qanoq ilillutik Naalakkersuisut qulakkeertarpaat, kommunit privatimik meeqqat angerlarsimaffiitut akiliutaat allamut pinnatik ingerlatsinermut meeqqallu pisariaqartitaanuinaq tutternersut?**
- 2. Nakkutilliinermut misissuinernullu suut tigussaasut Naalakkersuisut atulersimavaat, pisortat aningaasaataasa privatimik inuulluarniutinut (soorlu assersuutigalugu biilnut, umiatsianut angalanernullu), atorineqannginnissaannut?**
- 3. Qanoq ilillutik Naalakkersuisut qulakkeerniarpaat, meeqqat ulloq unnuarlu inissiisarfinni assigiinngitsuneersut tunngaveqanngitsumik immikkoortitaanermik misissinnginnissaat, soorlu assersuutigalugu mobiltelefooneqarnikkut, atisatigut sunngiffimmilu susassaqartitaanikkut?**
- 4. Privatimik ingerlanneqartuni meeqqat angerlarsimaffianni suliamut piginnaasassat suut piimasaqaatigineqartarpat sulisuusunut?**
 - a. Qanoq nakkutigineqartarpat, piimasaqaatit taakku malinneqarnersut?**
- 5. Naalakkersuisut isumaliuutiginerpaat ersarinnerusunik malittarisassiornissaq naatsorsuutininik saqqummiinissamut aammalu aningaasatigut nakkutiginninnissamut privatinik ingerlanneqartunit meeqqanut angerlarsimaffinnik, tassani kaaviiartitat tamanut saqqummiunneqartarneri, innuttaasut tatiginiassammassuk, aningaasat eqqortumik aqunneqarnersut?**
- 6. Naalakkersuisut oqaluuserisamut soqutiginaatilinnik allanik paasissutissiisinnaanerlutik?**

(Inatsisartunut ilaasortaq Jørgen Rosbach, Demokraatit)

Tunngavilersuut

Meeqqat angerlarsimaffii privatinik pigineqartut annertuumik pisortaniit aningaasanik pissarsisarput ingerlatsinermut aammalu meeqqat inissinneqarsimasut isumassornissaannut atugassanik. Aningaasat taakku ersarissumik siunertaqarluni toqqissisimasumik sinaakkuteqarnissamut, inersimasunut sangujoraanngitsumik atassuteqarnissamut ulluinnarmullu, meeqqanut ajunngitsussamik qitiutitsinissamut tunniunneqartarlutik.



DEMOKRAATIT

Taamaattumik pingaartorujussuuvoq paasissallugu, qanoq ililluni qulakkeerneqarnersoq, aningaasat, kommunit akiliutigisaat, ingerlatsinerinnarmut meeqqallu pisariaqartitaannut atorneqartartut privaetimik inuulluarniutitut atornagit soorlu assersuutigalugu biilnut, umiatsianut imaluunniit angalanernut. Aningaasaliissutit eqqortumik atorneqarunik, pitsaanerusumik isumassuineramik kinguneqassaaq, sulisunik piginnaaneqarnerusunik aammalu meeqqanut ineriartuutaasumik suliniuteqarnerunernik. Taamaanngippat aningaasaliissutit kukkusumik atorneqarnerat meeqqat atugaannut toqqaannartumik sanngiillisitsissammat.

Taamatuttaaq pisariaqarpoq qulakkiissallugu, piviusorsiuungitsumik immikkoortitsineq meeqqat akornanni ulloq unnuarluk angerlarsimaffinni assigiingitsuni. Meeqqat assigiimmik periarfissaqassapput tunngaviusunik ajunngitsorsianut soorlu atisanut, sunngiffimmi sammisassanut annertusigaluttuinnartumillu digitalimik atortorissaarutitut soorlu mobilitelefooninut. Tamanna qulakkeerneqassaat angerlarsimaffik suugaluarpalluunniit meeqqat inigisaat.

Pingaartilik alla tassaavoq sulisut suliaminnut piginnaasaat. Meeqqat, angerlarsimaffiup avataanut inissinneqarsimasut, artorsaateqakkajuttarput, piginnaasaqarluartunik sulisunik pisariaqartitsisunik isumassuineq pisariaqartoq tunniunneqassappat. Taamaattumik ersarilluinnartariaqarpoq, piumasaqaatit suut piumasaqaataanersut, aammalu nakkutigineqarlutik, taakku piumasaqaatit piviusunngortinneqarsimanersut.

Naggataatigullu ersarissuliorneq aningaasaqarnerullu nakkutigineri apeqqutaalluinnassapput, aningaasaliissutit eqqortumik atorneritut. Naatsorsuutit saqqummiunneqartarnerannut ersarissumik malittarisassiorneq aningaasanullu tunngasut tamanut saqqummiuttarnerisa tutsuiginassuseq annertusassavaat tassungalu ilutigalugu qularnaveeqqutaassalluni, nukiit meeqqanut ajunngitsussamik atorneqartut.

Apeqqut taanna saqqummiunneqarpoq nakkutilliineq, ersarissaaneq suliamillu ingerlatsilluarnarluk annertusarniarlugit, aningaasaliissutit, inuiaqatigiinniit tunniunneqartut, allamut pinnatik meeqqat atugarissaaarnissaannut ineriartorneranullu ikorfartuutitut atorneqartarnerisut paasiniarlugu.

Apeqquteqaatima ullut suliffiusut qulit iluanni akineqarnissaat qilanaaraara.